

立轉典田契字人洪呼有自己明典過洪六乾水田壹段五甲正內抽出水田柒分正址在新庄前東至大路西至自己田南至自己田北至庄前水溝四至界址明白全年帶納番大租谷壹石陸斗捌升正併帶水份灌溉充足今因乏銀別用願將此柒分水田轉典先盡問至親人等俱不欲承受外托中引就與沈成德出首承典三面議定轉典價銀式佰捌拾大元平重壹佰玖拾陸兩正其銀字即日仝中兩相交訖隨即踏明界址起耕交付銀主前去掌管收租納課永爲己業自此轉典盡根葛藤永斷日後呼及子孫永不敢言及找贖之理倘上手沈光喜等子孫要贖聽其自便主裁與呼無干保此田係呼自己明典物業與別房人等無干亦無重張典借他人財物及來歷交加不明等弊如有等弊呼出首一力抵當不干銀主之事此係兩愿各無抑勒反悔口恐無憑合立轉典田契字壹紙付執爲炤

即日仝中實收過轉典字內佛銀式佰捌拾大元平重壹佰玖拾陸兩正完足再炤
批明此田契券全宗帶在呼自己尙剩肆甲叁分之業難以分折批炤

爲中人 洪淑昭（花押）
知見次男 榮生（花押）

光緒拾貳年拾貳月 日

立轉典田契字人 洪呼（花押）

